

叢書集成續編

第一〇五冊目錄

文學類



詩文總集

天下同文前甲集五十卷	元	周南瑞輯	雪	堂	一
呈貢文氏三遺集合鈔十二卷	民	趙藩輯	雲	南	九一
明陽山房遺詩二卷	明	文祖堯撰			九六
餘生隨詠一卷附醉禪草一卷	明	文俊德著			一二四
晚春堂詩八卷	清	文化遠著			一三〇
楊林兩隱君集二卷附錄一卷	清	李文漢同輯	雲	南	一九七
蘭隱君集一卷	明	蘭茂撰			二〇三
賈隱君集一卷	明	賈維孝撰			二一三
明雷石菴胡二峯遺集合刊二卷	清	李根源輯	雲	南	二三一
雷石菴尙書遺集一卷	明	雷躍龍撰			二三五
胡二峯侍郎遺集一卷	明	胡璇撰			二四八
明滇南五名臣遺集十卷	清	李根源輯	雲	南	二五三
楊文襄公文集一卷詩集一卷	明	楊一清撰			二六二
孫清愍公文集一卷詩集一卷	明	孫繼魯撰			三五五
楊文毅公文集一卷詩集一卷	明	楊繩武撰			三五八
傅忠壯公文集一卷詩集一卷	明	傅宗龍撰			三六一
王忠節公文集一卷詩集一卷	明	王錫袞撰			三七二

遼文萃七卷附遼史藝文志補證一卷	清	王仁俊輯	遼海	三八五
端綺集二十八卷	清	黃奭編	清頌堂	四二九
池上小集一卷	清	譚獻輯	半厂	五四三
潤上草堂紀略二卷續編一卷拾遺一卷附明孝廉李巢二先生圖詠一卷	(紀略)清	徐達源		
	(續編)清	毛慶善		
	(拾遺)民	羅振常	邈園	五五七
	(附錄)清	張廷濟		
西冷五布衣遺著二十六卷(一)	清	丁丙輯	當歸草堂	六一一
臨江鄉人詩四卷 清吳穎芳著				六一五
臨江鄉人集拾遺一卷 清吳穎芳著				六五四
硯林詩集四卷 清丁敬著				六七九
硯林集拾遺一卷附三丁詩文拾遺一卷 清丁敬著				七二三
硯林印款一卷 清丁敬著				七五八
柳州遺稿二卷 清魏之琇著				七六七
冬花庵燼餘藁三卷 清溪岡著				七九八

wt86/05

天下同文集

天下同文集敘

廬陵劉 將孫 撰

唐劉夢得敘柳子厚之集曰文章與時高下政厯而土裂三光五嶽之氣分大音不完故必混一而後振作者槩以爲知言予獨嘗謂夢得之辭則高矣美矣以其時考之則未也唐之盛時在貞觀開元間其時稱歐虞褚薛最後稱燕許大手筆今其文可觀也及貞元元和來以韓柳著比至德爲盛而去混一之初則有間矣才未必皆福福亦自掩其才因使人思易所謂吉人辭寡者其福未易量也此則所謂時也吾取以敘周南瑞所刻天下同文實甚宜嗚呼文章豈獨可以觀氣運亦可以論人物

同序

予每讀漢初論議盛唐詞章及東京諸老文字三千年間混一盛時僅此耳彼乍合暫聚者其萎弱散碎固不得與於斯也然此盛時作者如渾河厚嶽不假風月爲狀如偃松曲柏不與花卉爭妍風氣開而文采盛文采極而光景消夢得之言之也不自知盛者已及於極也方

今文治方張混一之盛又開闢所未嘗有唐蓋不足爲盛縉紳先生創自爲家述各爲體功德編摩與詩書相表裏下逮衡謠亦各有蒸民立極之學問南瑞此編又得之鉅公大筆選精刻妙則觀於此者豈可以尋行數墨之心胸耳目爲足以領此哉自文選來唐稱文粹宋稱文鑑皆倖然成書他日考

一代文章者當於此取焉大德甲辰第一甲子日敘

同序

二

天下同文總目

卷之一

制誥

卷之二

表牋

卷之三

獻書

卷之四

歌頌

卷之五

同日

記

卷之六

記

卷之七

記

卷之八

記

卷之九

碑

卷之十

碑

卷之十一

碑

卷之十二

序

卷之十三

序

卷之十四

序

卷之十五

同日

序

卷之十六

賦

卷之十七 缺

論

卷之十八 缺

傳

卷之十九

書

卷之二十

書

卷之二十一

書

卷之二十二

啓

卷之二十三

牒

卷之二十四

狀

卷之二十五

議

卷之二十六

說

卷之二十七

說

卷之二十八

贊

卷之二十九

贊

卷之三十 缺

同目

三

頌

卷之三十一 缺

箴

卷之三十二

銘

卷之三十三

題跋

卷之三十四 缺

祝文

卷之三十五 缺

祭文

卷之三十六

祭文

卷之三十七

辭

卷之三十八

墓誌

卷之三十九

墓誌

卷之四十

同目

四

墓誌

卷之四十一 缺

雜著

卷之四十二

詩

卷之四十三

詩

卷之四十四

詩

卷之四十五

同目

詩

卷之四十六

詩

卷之四十七

詩

卷之四十八

詞

卷之四十九

詞

卷之五十

詞

隨所傳錄

陸續刊行

廬陵周南瑞敬輯

同目

六

天下同文前甲集卷第一

制誥

建國號制

上天眷命

皇帝聖旨誕膺

景命奄四海以

宅尊必有美名紀百王而紀統肇從隆古匪獨

我家且唐之爲言蕩也堯以之而著稱虞之爲言樂也舜因之而作號馴至禹興而湯造爰名夏大以殷中世降以還事殊非古雖乘時而有國不因義而制稱爲秦爲漢者

同甲

蓋從初起之地名曰隋曰唐者又卽始封之爵邑皆徇百姓見聞之狃習要一時經制之權宜槩以至公得無少貶我

太祖聖武皇帝握乾符而起朔土以

神武而膺

帝圖四振

天聲大恢土宇輿圖之廣歷古所無頃者耆宿詣

庭奏章申請謂既成於

大業宜早定於鴻名在古制以當然於

朕心乎何有可建國號曰

大元蓋取易經乾元之義茲大治流形於庶品孰名資始之功

予一人底靈於萬邦尤切體仁之要事從因革道協天人於戲

稱義而名固匪爲之溢美乎休惟永尙不負於投艱嘉與

敷天共隆

大號咨爾有衆體

予至懷故茲

詔示想宜知悉

至元八年十一月

大成加封制

上天眷命

同甲

皇帝聖旨蓋聞先孔子而聖者非孔子無以明後孔子而聖者非孔子無以法所謂祖述堯舜憲章文武儀範百王師表萬世者也

朕纂承丕緒敬仰休風循治古之良規舉追封之盛典加號

大成至聖文宣王遣使闕里祀以太牢於戲父子之親君

臣之義永惟聖教之尊天地之大日月之明奚罄名言之

妙尙資神化祚我

皇元主者施行

資善大夫中書左丞集賢大學士兼國子祭酒教領

大使院事許衡贈榮祿大夫司徒諡文正公制

上天眷命

皇帝聖旨維昔

聖祖圖任相臣思與真儒共成治效故資善大夫中書左丞集賢大學士兼國子祭酒教領太史院事許衡以天民之先覺應巖石之具瞻聖學方湮惟洙泗之源是泝嘉謨入告非堯舜之道不陳斥姦志靖於熙朝爵祿不忘於耕野迎推日策明曆象以授人時樂育英才居成均而教胄子迺瞻鈞樞之列益昭模範之功永惟

裕考之師賓恭被

慈皇之渥命爰申卹典用資玄局道德博洽斯謂文中立不倚

同甲

斯謂正既嘉名之載易仍公秩之榮頒尙其有知服茲典敦可贈榮祿大夫司徒諡文正公主者施行

資善大夫中書左丞集賢大學士兼國子祭酒教領

太史院事許衡妻敬氏追封高陽郡夫人

上天眷命

皇帝聖旨家人位乎內易存中饋之辭婦爵從其夫傳著小君之號故資善大夫中書左丞集賢大學士兼國子祭酒教領太史院事許衡妻敬氏儒宗作儉儉德是躬由猷猷而踐台司不易如賓之敬建蕃維而榮世祿式彰教子之儀門風已歷於清華閨範罔愆於平素眷芳猷之未泯宜卹

典之同加其疏列郡之封爰示九泉之賁可追封高陽郡夫人主者施行

翰林院學士承旨資德大夫知制誥兼修國史領集賢院事致仕王磐贈榮祿大夫少保諡文忠公制

上天眷命

皇帝聖旨崇德報功恩靡忘於先正易名節惠禮具載於彝章故翰林學士承旨資德大夫知制誥兼修國史領集賢院事致仕王磐志大以剛識明而遠惟根本培植於內者確乎不拔故英華發越於外者煥乎有文出處無愧於心窮達不易其守潛知逆黨星言發青社之機力折姦謀露奏

同甲

四

重紫微之柄出平蕃則用蘇民氣入視草則允契

宸衷贊大議於廟堂播清芳於簡冊諫止東伐奮不顧身

復建外臺毅然抗色是以

皇祖篤褒嘉之眷

昭考垂寵錫之勤政有待於乞言何屢陳於謝事榮歸梓里庶衍椿齡朕方嗣服於丕基天不遐遺於一老追惟往行惕用興懷俾超進於孤卿仍具頒於寵數於戲千古淵源之學蔑以踰修一生忠孝之心諒無愧軾顧二賢已膺於美諡而兩字宜比於前休精爽如存欽承不昧可贈榮祿大夫少保諡文忠公主者施行

翰林學士承旨賈德大夫知制誥兼修國史領集賢院事致仕王磐妻高氏追封太原郡夫人制

上天眷命

皇帝聖旨殷周命婦之官禮均夫秩春秋小君之號體並公尊
 眷我舊臣爲時宿德既厚褒崇之典宜加伉儷之稱故翰
 林學士承旨賈德大夫知制誥兼修國史領集賢院事致
 仕王磐妻高氏淑善其身柔嘉惟則藹若出詩書之習肅
 然形荆布之風服曹氏之訓而勉勵芳猷處齊城之難而
 益堅素守朝夕有相成之道始終全偕老之榮宜沛新恩
 式昭潛懿可追封太原郡夫人主者施行

同甲

五

昭文館大學士正議大夫賈默贈榮祿大夫司徒諡

文正公制

上天眷命

皇帝聖旨傳經明道既輔立

太平之基崇德報功烏可後非常之典故桓傳致臨雍之
 敬而甘盤勤懷舊之思古今雖殊典秩不異故昭文館大
 學士正議大夫賈默業尊周孔學際天人詢治體以綱常
 爲先論人臣以功利爲末侍謀

帝帷剴切多文貞之風論相中書慷慨有陽城之烈而又三代
 建國明論是先惟西池儼簪羽之儀故東序擴文人之化

風移俗易一變虛文地闢天開載明正學迺瞻

西朝之耆德實爲

先禰之宮師稽考規模夢寐風采是用榮分三事光融

邦教之階

恩賁九泉瀟灑玉堂之契有來英爽服

我寵靈可贈榮祿大夫司徒諡文正公主者施行

昭文館大學士正議大夫賈默妻賈氏封扶風郡夫

人制

上天眷命

皇帝聖旨天人之際若弗可知禎祥之來各以類應凡祖宗父

同甲

六

母尊榮壽考未有不以善而致者故昭文館大學士正議

大夫賈默妻賈氏婉從清望嬪我儒宗恭儉以相其夫勤

恪以勵其子所璫中節藻薦多儀清白傳家管彤有煒宜

爾從夫之貴寵膺華郡之封

鸞諧副珈服

我休命可封扶風郡夫人主者施行

翰林學士承旨中奉大夫詳定禮儀事姚樞贈榮祿

大夫少師諡文獻公制

上天眷命

皇帝聖旨昔

皇祖膺千齡之運爲

有元立萬世之基崇英逸偉之兼收品式儀章之具舉誰其盡

瘁

朕竊興懷故翰林學士承旨中奉大夫詳定禮儀事姚樞才瞻而通學醇而正從容中理有鎮浮靜泰之風懇款敷誠皆理國撫民之樂繁若掌中之分域凜然堂上之奇兵謂帝德莫大於好生而王政必先於務本江淮不殺開九州混一之端關陝興農兆率土富安之象建侯置牧分立等威酌古準今總裁修制功獨高於佐命治儼格於升平願將來

同甲

七

垂統之規皆前日川儒之效

儲端首建亦惟

裕考之賓師

恩數宜加恭被

慈皇之明訓是用申其命秩正乃鈞垣賁錫殊稱益彰褒序於

歲

溫詔再三存問示眷每特異焉

同心一二老成於今不復見矣尙其英爽歆此寵靈可贈

榮祿大夫少師諡文獻公主者施行

翰林學士承旨中奉大夫詳定禮儀事姚樞妻宋氏

追封吳興郡夫人制

上天眷命

皇帝聖旨昔宋文宣君傳其父學桓少君躬行婦道皆足以爲萬世法故翰林學士承旨中奉大夫詳定禮儀事姚樞妻宋氏稟厚賢明早習家訓與文宣君同宗執饋中堂始終以禮擬之少君則無愧乃夫以耆德雅望爲先皇潛邸之佐

昭考舊學之賓勳業在

國史德澤在人心又非鮑宣可比

朕圖所以勵羣士而爲內則者惟爾家兼有之追錫殊稱用光

同甲

八

來裔可追封吳興郡夫人主者施行

天下同文前甲集卷第一

天下同文前甲集卷第二

表牋

中書省進賀

元旦表

翰林直學士奉政大夫知制誥兼修國史臣王

德淵

伏以三陽開泰春不待於郊迎四海會同禮無先於

朝賀臣某等誠歡誠忭頓首頓首伏惟

皇帝陛下躬脩玄默

總覽權綱

孝心隆福於

慈宮

德量推恩於

藩邸

宗親順附邊障清寧歲屢底於豐稔

詔仍頒於寬大

同甲

九

仁風解凍旭日舒長開

閭闔之

九重執玉帛者萬國臣某等叨居華省幸際

明時

楓陛高班拜

天顏之有喜椒觴進酒祝

聖壽之無疆臣等下情無任瞻

天仰

聖激切屏營之至謹奉

表稱

賀以

聞臣某等誠歡誠忭頓首頓首謹言

江西行省進賀

大德改元表

伏以改元表歲一新守位之仁修德考祥誕布側躬之

詔凡需生育快觀雍熙臣某等誠歡誠欣頓首頓首欽惟

皇帝陛下克享

天心能繩

祖武右

文母而盡孝子庶民以推恩二十年跋扈之臣不征而附億萬

同甲

十

載興隆之業既安且寧臣某等分省西江馳情

北闕服膺綸綍敢對揚

天子之威遙指山河願祝頌

聖人之壽餘並依式

江西行省進賀

冊命

皇后殿下表

伏以

上聖造邦首厚人倫之本

內朝受冊益昭天作之祥

宗社安榮臣民欣悅臣某等誠歡誠欣頓首頓首伏惟

皇帝陛下德存孝敬道在修齊稽前代之舊章聿新渙號備長

秋之令典爰錫坤珍光動星垣義形風教臣等職縻江海

心懸

闕庭大琮比於鎮圭快觀儀文之盛關雎應於麟趾式延

治象之隆

安南國進賀

皇帝陛下登寶位表

臣日燁言伏觀

龍飛九五回生意於龍編象譯重三口馳忱於象魏

同甲

十一

一人有慶萬國咸寧臣日燁誠歡誠欣頓首頓首欽惟

上天眷命

皇帝陛下大據域中仁翔海表柔遠能邇守

帝道以無爲偃武修文屈人兵於不戰克廣穆穆

宜君之善有光明明

我祖之功霽雷霆而施雨露之恩剖封畛以示

乾坤之量與民更始隨物皆春臣日燁幸際離明歡聞渙

號瞻

天北闕心傾北極之居尊守土南荒頂祝南山而上

壽臣日燁謹專陪臣陳利用等奉

表稱

賀以

聞臣日燁誠歡誠跽頓首頓首謹言

元貞元年三月初一日安南國臣陳日燁上表

安南國上

世祖皇帝陛下登遐表

臣日燁言伏觀湖龍條去

詔伏觀於登遐澤雁悲鳴哀甚如於喪考華夷望缺海濱

涕流臣日燁誠辭誠跽泣血泣血欽惟

世祖盛德神功文武皇帝陛下表正萬邦大居一統八十載而

同甲

十二

成帝業聖曆無疆億萬年以遺王休

孫謀有勇大懷小畏近說遠來炎風朔雪盡忠臣寸地尺

天皆入貢宜壽名之必得胡劍舄之遽遺臣日燁日隕

烏號心馳

燕闕

北辰如在靡渝星拱之至誠下土若摧更翼

日居而繼照臣日燁謹專陪臣陳利用等奉表陳

恩以

聞臣日燁誠辭誠跽泣血泣血謹言

元貞元年三月初一日安南國臣陳日燁上表

河南府路進賀

皇帝陛下登寶位表

少中大夫河南路總管臣盧摯

伏觀

詔書

皇帝陛下四月十四日

登寶位者

宗廟社稷永有依歸華夏災變永有嚮賴天地日月亦皆廓然

山川鬼神莫不咸若臣某等誠歡誠欣頓首頓首欽惟

皇帝陛下承

同甲

十三

先聖付託之重爲天下謳歌所歸維昔主鬯之方虛嗣膺撫軍

之大任仁孝之德四海歡心神武之功百辟屬望壽昌蒸

瑞絲漢而下罕聞曆數在躬紹堯之緒斯受

臨御伊始注措所先尊

昭考出震之稱正

太母長樂之位乾坤泰定雷雨滿盈甫降

鑰音側聽輿誦凡所以

繼體守文之志榮見於事神保民之誠先四者以施

吾仁無一夫不被其澤

湛恩汪濊品物昭蘇不世之姿遠越自古升平之運實自

於今臣某等久荷

國恩謬膺郡寄歡欣踴躍倍萬恆情限以官守不獲奔走

稱慶

闕庭無任感

恩戀

闕之至謹奉表陳

賀以

聞臣某等誠歡誠欣頓首頓首謹言

江西行省進賀

皇后殿下受寶冊牋

同甲

十四

伏以瑤圖啓運有開宮壺之賢

寶冊加恩益衍家邦之福

萬年景命八表歡聲臣某等誠歡誠欣頓首頓首欽惟

皇后殿下德配乾剛道侔坤順時惟良月星明太乙之紫垣

禮備長秋

天錫大琮之黃玉誕敷渙號不顯

珍符臣某等遠在江西迺瞻

北闕洪範之倫攸叙幸被訓彝關雎之教方行喜形舞蹈

安南國上

皇太后陛下牋

臣日煒言伏以

慈闈示訓遠貽燕翼之謀下國依光久屬

鴻休之庇情馳

魏闕首狙賀牋臣日煒誠歡誠欣頓首頓首恭惟

皇太后陛下作佛中人爲天下世當

九重躬修於孝治宜萬國風行於懿儀道日著於坤裳廣

揚善教澤時流於解雨默贊

皇猷臣日煒僻處炎荒幸逢熙治喜見

鈎鈴之動色願同嵩嶽以呼齡

安南國上

詞甲

十五

皇后殿下牋

臣日煒言伏以陰贊宸猷尊居慈展揚徽音於

宮掖調和氣於乾坤臣日煒誠歡誠欣頓首頓首恭惟

皇后殿下道繼思齊躬修內則動有所璜之節退思圖史之規

治首六宮既輔成於

王業風行四海致於變於時雍臣日煒幸際

熙朝遙聞

懿範遐荒僻處莫陪百辟之班寬詔俯臨喜被二南之化

天下同文前甲集卷第二

天下同文前甲集卷第三

獻書

獻寶璽書

資德大夫御史中丞崔彧

皇帝福蔭裏資德大夫御史中丞臣崔彧言至元三十一年歲

次甲午正月三十日既臣番直宿衛御史臺通事臣闊闊

出卽其衛所來言曰大師國王之孫拾得者嘗官同知通

政院事今已歿矣生產散失家計窘極其妻脫脫眞縈病

一子甫九歲比相告曰幸煩以此玉見質得價以給朝夕

同甲

十六

之食及出乃玉印也闕闕出自惟蒙古人不曉文字茲故

來告聞之且驚且疑居處不審乃退還私家令取而視之

色混青綠而玄光彩射人其方可黍尺四寸後及方之三

分足背紐蟠螭四獸方際紐盡璽堦之外取中通一竅可

徑二分舊貫以韋條面有篆文八刻畫動搖位置勻適皆

若蟲鳥魚龍之狀辨其彷彿有若命字若壽字心已悅之

謂毋乃當此昌運傳國璽出乎急召監察御史楊桓至卽

讀之曰受命於天既壽永昌此傳國璽文也聞之果合前

意心神爲之肅然乃加以淨綿複以白帕率御史臣桓通

事令臣阿撒罕少直趨